

PWYLLGOR SAFONAU
4 MEDI 2017

Cofnodion cyfarfod Pwyllgor Safonau Cyngor Sir y Fflint a gynhaliwyd yn Ystafell Bwyllgor Clwyd, Neuadd y Sir, Yr Wyddgrug CH7 6NA Dydd Llun, 4 Medi 2017

YN BRESENNOL: Robert Dewey (Is-gadeirydd yn y Gadair)

Cynghorwyr:

Patrick Heesom, Paul Johnson ac Arnold Woolley.

Aelodau Cyfetholedig:

Jonathan Duggan-Keen a Ken Molyneux

Ymddiheuriadau: Ed Hughes a Phillipa Earlam

HEFYD YN BRESENNOL:

Swyddog Monitro, Is-swyddog Monitro a Swyddog Pwyllgor

18. DATGAN CYSYLLTIAD (GAN GYNNWYS DATGANIADAU CHWIPIO)

Datganodd y Cynghorydd Arnold Woolley diddordeb personol a rhagfarnus yn eitem rhif 5 ar yr Arolwg o Ryddhad a oedd yn ymwneud yn benodol â Chyngor Tref Bwcle.

19. COFNODION

Cyflwynwyd cofnodion y cyfarfod a gynhaliwyd ar 3 Gorffennaf 2017.

Cadarnhaodd y Swyddog Monitro ei fod wedi dosbarthu manylion Cyfnodau yn y Swydd ar gyfer aelodau lleyg y Pwyllgor Safonau.

PENDERFYNWYD:

Bod y cofnodion yn cael eu derbyn, eu cymeradwy a'u llofnodi gan y Cadeirydd fel cofnod cywir.

20. GODDEFEBAU

Ar ôl dosbarthu'r agenda, cafwyd dau gais am ryddhad gan y Cynghorydd Sir Carol Ellis, a Chynghorydd Tref Bwcle David Ellid

Darparodd yr Is-swyddog Monitro fanylion y ceisiadau a oedd yn gysylltiedig â chais cynllunio (rhif cyfeirnod: 057259) a fyddai'n effeithio ar Ganolfan Gymunedol Hawkesbury.

Cynghorydd Tref Bwcle David Ellis

Darparodd y Swyddog Monitro wybodaeth gefndir i'r cais a oedd yn ceisio "siarad a phleidleisio" ar gais cynllunio a fyddai, pe bai'n caniatâd, yn effeithio ar

Ganolfan Gymunedol Hawkesbury. Cadarnhaodd mai'r paragraff perthnasol y byddai'r cais am ryddhad yn cael ei wneud oddi dano oedd (d).

Cynghorydd Sir Carol Ellis

Gofynnwyd i'r pwyllgor ystyried cais am ryddhad a gyflwynwyd gan y Cynghorydd Sir Carol Ellis "i allu siarad ond nid pleidleisio" ar gais cynllunio a fyddai'n effeithio ar bob defnydd yn Ardal Hawkesbury. Cadarnhaodd y Swyddog Monitro mai'r paragraff perthnasol y byddai'r cais am ryddhad yn cael ei wneud oddi dano oedd (d).

PENDERFYNWYD:

Cynghorydd Tref David Ellis

Caniatáu rhyddhad i'r Cynghorydd Tref David Ellis o dan baragraff (d) Rheoliadau Pwyllgor Safonau (Caniatáu Rhyddhad) (Cymru) 2001 i siarad yng Nghyngor Tref Bwcle am y cais (rhif cyfeirnod: 057259), neu unrhyw gais fydd, ym marn y Swyddog Monitro, yn debyg ond i adael yr ystafell cyn i'r cais gael ei ddadlau a chyn pleidleisio arno. Hefyd i wneud sylwadau ysgrifenedig ar y cais (rhif cyfeirnod: 057259), neu unrhyw gais sydd, ym marn y Swyddog Monitro, yn debyg i Gyngor Tref Bwcle. Caniateir y rhyddhad am gyfnod o 12 mis.

Cynghorydd Sir Carol Ellis

Caniatáu rhyddhad i'r Cynghorydd Sir Carol Ellis o dan baragraff (d) Rheoliadau Pwyllgor Safonau (Caniatáu Rhyddhad) (Cymru) 2001 i siarad am y cais (rhif cyfeirnod: 057259), neu unrhyw gais fydd, ym marn y Swyddog Monitro, yn debyg yng Nghyngor Tref Bwcle ac am 5 munud yng nghyfarfod y Pwyllgor Cynllunio, ond i adael yr ystafell cyn i'r cais gael ei ddadlau a chyn pleidleisio arno. Hefyd i wneud sylwadau ysgrifenedig ar y cais (rhif cyfeirnod: 057259), neu unrhyw gais sydd, ym marn y Swyddog Monitro, yn debyg i Bwyllgor Cynllunio Cyngor Sir Y Fflint a/neu Gyngor Tref Bwcle. Caniateir y rhyddhad am gyfnod o 12 mis.

21. ADOLYGU TRWYDDEDAU

Cyflwynodd yr Is-swyddog Monitro yr adroddiad ac esboniodd bod rhaid adolygu pob rhyddhad a ganiateir gan y Pwyllgor Safonau ac sy'n parhau i fod ar waith gan y Pwyllgor unwaith bob 12 mis o'r dyddiad y caniatawyd y rhyddhad yn y lle cyntaf.

Dosbarthodd yr Is-swyddog Monitro restr yr holl ganiatâd am ryddhad a roddwyd gan y Pwyllgor a oedd yn parhau i fod ar waith yn ogystal â'r rhai a oedd wedi dod i ben yn ddiweddar ond roedd y Cynghorwyr dan sylw wedi gofyn iddynt gael eu hymestyn. Gofynnwyd i'r Pwyllgor benderfynu p'un ai a ddylai'r rhyddhad barhau i fod ar waith neu gael eu hymestyn.

Esboniodd yr Is-swyddog Monitro bod yna sawl caniatâd am ryddhad ar gofnod a oedd wedi'u rhoi 10 mlynedd ynghynt a bod llythyrau wedi cael eu hanfon at bob Aelod i roi gwybod iddynt am yr argymhelliad i ddileu rhyddhad a roddwyd 10 mlynedd yn ôl neu fwy. Gofynnwyd i aelodau gysylltu â'r Swyddog Monitro i neu Is-swyddog Monitro os oedd ganddynt unrhyw bryderon am y cynnig. Gofynnwyd i'r pwyllgor ystyried a chymeradwyo cael gwared ar ryddhad a

roddwyd dros 10 mlynedd ynghynt. Cynigiodd y Cynghorydd Paul Johnson y dylid cytuno ar yr argymhelliad a chafodd hyn ei eilio gan Ken Molyneux a'i gymeradwyo gan y Pwyllgor.

Esboniodd yr Is-swyddog Monitro bod Cynghorwyr a chanddynt ryddhad effeithiol wedi cael gwybod am ofyniad y Pwyllgor Safonau i adolygu eu rhyddhad a phenderfynu p'un ai a fyddant yn parhau i gael effaith, yn ogystal â'r rheiny a chanddynt ryddhad a oedd wedi dod i ben yn ddiweddar.

PENDERFYNWYD:

Dileu pob rhyddhad a roddwyd gan y Pwyllgor Safonau dros 10 mlynedd ynghynt.

Cynghorydd Sir Dennis Hutchinson

Caniatáu rhyddhad i'r Cynghorydd Dennis Hutchinson o dan baragraff (h) Rheoliadau Pwyllgor Safonau (Caniatáu Rhyddhad) (Cymru) 2001 am gyfnod o 12 is (yn dod i ben ar 3 Medi 2018) i siarad yng nghyfarfodydd Cyngor Tref Bwcle wrth ystyried cais am gymorth ariannol gan Ganolfan Gymunedol Hawkesbury. Mae'r rhyddhad yn caniatáu iddo aros yn yr ystafell i siarad ac ateb cwestiynau ond rhaid iddo adael yr ystafell (ac felly ddim pleidleisio) ar ôl gwneud hynny.

Cynghorwyr Sir Dennis Hutchinson a Mike Peers

Caniatáu rhyddhad i'r Cynghorwyr Dennis Hutchinson a Mike Peers am gyfnod o 12 mis (yn dod i ben ar 3 Medi 2018) o dan baragraffau (d), (f) a (h) Rheoliadau Pwyllgor Safonau (Caniatáu Rhyddhad) (Cymru) 2001 i gyfathrebu gyda swyddogion Cyngor Tref Bwcle a Chyngor Sir Y Fflint mewn pob mater sy'n gysylltiedig â Hen Neuadd Gymunedol Baddonau Bwcle Cyfyngedig i:

- siarad ac ateb cwestiynau
- Gadael y cyfarfod cyn i'r ddadl ddechrau
- peidio â phleidleisio
- cyfathrebu gyda swyddogion mewn ysgrifen
- trafod gyda swyddogion os oedd o leiaf 3 pherson yn bresennol - 2 annibynnol (nid ymddiriedolwr arall na'u gwraig) a bod trafodaethau'n cael eu cofnodi

Cynghorydd Sir Dennis Hutchinson

Caniatáu rhyddhad i'r Cynghorydd Dennis Hutchinson am gyfnod o 12 mis (yn dod i ben ar 3 Medi) o dan baragraffu (d) ac (f) Rheoliadau Pwyllgor Safonau (Caniatáu Rhyddhad) (Cymru) 2001 i siarad am bum munud mewn perthynas â chais cynllunio rhif 056023 a hefyd ceisiadau dilynol am ddatblygiad preswyl ar y tir gyferbyn y ceir mynediad iddo drwy'r cais hwnnw, ac i gyfathrebu gyda swyddogion mewn ysgrifen.

Cynghorwyr Tref Stephen Rodham a Shelley Streeter

Y dylai'r rhyddhau a roddwyd gan y Pwyllgor ar 4^{ydd} Gorffennaf 2016 mewn perthynas â Throsoglwyddo Ased Cymunedol y Ganolfan Gymunedol, Llyfrgell a Chanolfan Ieuencid barhau nes yr 2^{il} Hydref 2017, pan ddaw i ben, oni fydd y Cynghorwyr wedi cysylltu â'r Swyddog Monitro neu Is-swyddog Monitro cyn y

dyddiad hwnnw gyda chais i'r Pwyllgor ystyried ymestyn y rhyddhad, a bod y cais hwnnw yn cael ei ystyried yng nghyfarfod nesaf y Pwyllgor.

Cynghorwyr Cymunedol J Lamb a H Lamb

Y dylai'r rhyddhad a roddwyd gan y Pwyllgor ar 4ydd Gorffennaf 2016 mewn perthynas â Throsglwyddo Ased Cymunedol y Ganolfan Gymunedol, Llyfrgell a Chanolfan Ieuencid barhau nes yr 2il Hydref 2017, pan ddaw i ben, oni fydd y Cynghorwyr wedi cysylltu â'r Swyddog Monitro neu Is-swyddog Monitro cyn y dyddiad hwnnw gyda chais i'r Pwyllgor ystyried ymestyn y rhyddhad, a bod y cais hwnnw yn cael ei ystyried yng nghyfarfod nesaf y Pwyllgor.

Cynghorydd Sir Veronica Gay

Y dylai'r rhyddhad a roddwyd gan y Pwyllgor ar 4^{ydd} Gorffennaf 2016 mewn perthynas â Throsglwyddo Ased Cymunedol y Ganolfan Gymunedol, Llyfrgell a Chanolfan Ieuencid barhau nes yr 2^{il} Hydref 2017, pan ddaw i ben, oni fydd y Cynghorwr wedi cysylltu â'r Swyddog Monitro neu Is-swyddog Monitro cyn y dyddiad hwnnw gyda chais i'r Pwyllgor ystyried ymestyn y rhyddhad, a bod y cais hwnnw yn cael ei ystyried yng nghyfarfod nesaf y Pwyllgor.

Cynghorydd Sir Mike Peers

Bod y rhyddhad a roddwyd gan y Pwyllgor ar 7^{fed} Gorffennaf 2014 i'r Cynghorydd Mike Peers allu cymryd rhan yng nghyfarfodydd Cyngor Tref Bwcle pan fydd yn dadlau am faterion sy'n effeithio ar Gyngor Cymunedol Hawkesbury barhau nes 3 Medi 2018 pan ddaw i ben. Rhoddir y rhyddhad o dan baragraffau (d) ac (f) Rheoliadau Pwyllgor Safonau (Caniatáu Rhyddhad) (Cymru) 2001 ac mae'n caniatáu i'r Cynghorydd Peers gysylltu â swyddogion mewn ysgrifen, aros yn yr ystafell i siarad ac ateb cwestiynau ond rhaid iddo adael yr ystafell (ac felly peidio â phleidleisio) ar ôl gwneud hynny.

Cynghorydd Cymunedol K Houghton ac aelodau eraill Cyngor Cymunedol Argoed a oedd y cael eu cynrychioli ar MIFFY

Y dylai'r rhyddhad a roddwyd gan y Pwyllgor ar 14^{eg} Medi 2009 mewn perthynas â darparu cyfleusterau ieuencid yn ardal y cyngor cymunedol barhau nes yr 2^{il} Hydref 2017, pan ddaw i ben, oni fydd clerics y Cyngor Cymunedol wedi cysylltu â'r Swyddog Monitro neu Is-swyddog Monitro ar ran y Cynghorwyr Cymunedol cyn y dyddiad hwnnw gyda chais i'r Pwyllgor ystyried ymestyn y rhyddhad, a bod y cyfryw gais yn cael ei ystyried yng nghyfarfod nesaf y Pwyllgor.

Bod pob rhyddhad sy'n weddill a roddwyd gan y Pwyllgor, yn ôl y rhestr a ddisbarthwyd gan yr Is-bwyllgor Monitro yn y cyfarfod, yn cael eu dileu.

22. AELODAETH Y PWYLLGOR - SEDD WAG AR Y PWYLLGOR

Cyflwynodd y Swyddog Monitro yr adroddiad a siaradodd am y lle gwag sydd ar y Pwyllgor Safonau ar gyfer aelod lleyg. Rhoddodd wybod iddynt fod yr Awdurdod Tân hefyd yn ceisio penodi aelod lleyg i'w Bwyllgor Safonau ac o ganlyniad roedd yna gyfle i ystyried hysbysebu ar y cyd am y penodiad a'r

posibilrwydd o benodiad ar y cyd i leihau costau a rhoi proffil uwch i'r ymgyrch hysbysebu.

Mewn ymateb i'r cwestiynau a godwyd, esboniodd y Swyddog Monitro nad yw'r cyfnod yn y swydd i aelod lleyg o'r Pwyllgor yn llai na phedair nac yn fwy na chwe blynedd. Roedd rheoliadau'n gofyn i banel penodi gael ei sefydlu a meini prawf penodol gael eu pennu ar gyfer unrhyw aelod lleyg a benodir i'r Pwyllgor. Yn ystod y trafodaethau awgrymwyd y gellid sefydlu panel cyfweld ar y cyd gyda'r Awdurdod Tân yn cynnwys Cadeirydd Pwyllgor Safonau'r Cyngor a'r Awdurdod Tân, Cynghorydd Cymunedol, aelod lleyg, a Chadeirydd yr Awdurdod Tân. Byddai hyn yn golygu cyfanswm o ddau gynrychiolydd o'r Cyngor, dau gynrychiolydd o'r Awdurdod Tân, ac unigolyn lleyg.

Yn ystod trafodaeth cymeradwywyd yr argymhelliad i geisio cydsyniad yr Awdurdod Tân i hysbysebu ar y cyd gyda'r Cyngor am aelod lleyg i Bwyllgorau Safonau'r ddau awdurdod, a dylid archwilio'r posibilrwydd o benodi ar y cyd gyda'r Awdurdod Tân. Cyfeiriodd y Cynghorydd Patrick Heesom at y panel cyfweld ar y cyd a awgrymwyd a chynnig bod hyn hefyd yn cael ei gymeradwyo a gafodd ei eilio gan y Cynghorydd Arnold Woollet.

Mewn ymateb i'r sylwadau a wnaed gan y Cynghorydd Johnson ynghylch cydbwysedd y rhywiau ac aelodaeth ar y Pwyllgor, cydnabu'r Swyddog Monitro y pwyntiau a godwyd a dywedodd y byddai'n siarad gyda'r tîm cyfathrebu i geisio ystod eang o ymgeiswyr i'w hystyried. Awgrymodd ei fod yn dosbarthu copïau o'r meini prawf a gymeradwywyd gan y Cyngor ar gyfer recriwtio aelodau annibynnol i'r Pwyllgor, er gwybodaeth.

PENDERFYNWYD:

- (a) Dylid ceisio cydsyniad yr Awdurdod Tân i hysbysebu ar y cyd gyda'r Cyngor am aelod lleyg i Bwyllgorau Safonau'r ddau awdurdod, a dylid archwilio'r posibilrwydd o benodi ar y cyd gyda'r Awdurdod Tân; a
- (b) Y dylid sefydlu panel cyfweld ar y cyd a fyddai'n cynnwys Cadeiryddion Pwyllgor Safonau'r Cyngor a'r Awdurdod Tân, Cynghorydd Cymunedol, aelod lleyg, a Chadeirydd yr Awdurdod Tân.

23. ADRODDIAD BLYNYDDOL OMBWDSMON GWASANAETHAU CYHOEDDUS CYMRU AR GYFER Y FLWYDDYN 2016/17

Cyflwynodd yr Is-swyddog Monitro yr adroddiad a oedd yn crynhoi'r prif faterion yn yr Adroddiad Blynyddol gyda ffocws arbennig ar safonau cynghorwyr Sir a Thref a Chymuned. Rhoddodd wybod mai pwrpas yr Adroddiad Blynyddol oedd adrodd ar berfformiad swyddfa Ombwdsmon Gwasanaethau Cyhoeddus Cymru (PSOW) dros y flwyddyn ac i gyflwyno unrhyw negeseuon allweddol sy'n codi o'r gwaith a wnaed yn ystod y flwyddyn.

Cyfeiriodd yr Is-swyddog Monitro at y prif ystyriaethau oedd wedi'u cynnwys yn yr adroddiad ynghylch cwynion Cod Ymddygiad ac achosion cod ymddygiad.

Yn ystod y drafodaeth cytunwyd y byddai'r Swyddog Monitro yn dosbarthu copi lliw o'r Adroddiad Blynyddol i'r Pwyllgor.

PENDERFYNWYD:

Nodi'r adroddiad.

24. YMWELIAD YR OMBWDSMAN Â CHYD-GYFARFOD Y PWYLLGOR SAFONAU A'R CYNGHORAU TREF A CHYMUNED

Rhoddodd y Swyddog Monitro ddiweddariad ar ymweliad nesaf yr Ombwdsmon, Mr. Nick Bennet, â chyd-gyfarfod y Pwyllgor Safonau a Chynghorau Tref a Chymuned ar 2 Hydref 2017. Cyfeiriodd at y cwestiynau a gyflwynwyd i'w trafod hyd yma a rhoddodd wybod bod Cynghorau Tref a Chyngor hefyd wedi'u gwahodd i gyflwyno cwestiynau. Gofynnodd y Swyddog Monitro i aelodau'r Pwyllgor os oedd ganddynt unrhyw gwestiynau yr hoffent eu gofyn i'r Ombwdsmon. Yn ystod y drafodaeth, codwyd y cwestiynau a ganlyn:

- Pa effaith mae'r broses hidlo yn ei gael ar lwyth gwaith yr Ombwdsmon?
- Beth yw'r broses ar gyfer gwrthod derbyn cwyn?
- Oes yna hawl i atgyfeirio neu arolwg?

Awgrymodd y Swyddog Monitro bod diwygio Cynghorau Tref a Chymuned yn bwnc addas i'w ddadlau yn y cydbwyllgor a chefnogwyd hyn gan y Pwyllgor.

Cyfeiriodd y Cynghorydd Arnold Woolley at ymgynghoriad Llywodraeth Cymru ar drefniadau etholiadau lleol ac awgrymodd y gellid hefyd talu sylw i'r mater hwn yn y cyfarfod, os yn bosibl.

PENDERFYNWYD:

Nodi'r adroddiad.

25. RHAGLEN GWAITH I'R DYFODOL

Cyflwynodd y Swyddog Monitro y rhaglen waith i'r dyfodol a cyfeiriodd at bynciau'r cyfarfod nesaf.

Gan roi sylwadau ar bwnc rhyddhad, dywedodd y Swyddog Monitro y gellid gofyn i'r Pwyllgor ystyried unrhyw 'adnewyddiadau' pellach sy'n codi o ganlyniad i'r arolwg o rhestr rhyddhad a'r cyfnod estynedig a roddwyd i gynghorwyr.

Cytunodd y Swyddog Monitro ddarparu diweddariad i'r cyfarfod nesaf ar recriwtio unigolyn lleyg i'r Pwyllgor Safonau.

PENDERFYNWYD:

Nodi'r Rhaglen Waith i'r Dyfodol gan gynnwys yr eitemau uchod.

26. AELODAU'R WASG A'R CYHOEDD YN Y CYFARFOD

Nid oedd dim aelod o'r wasg na'r cyhoedd yn bresennol.

.

(Dechreuodd y cyfarfod am 6.30 pm a daeth i ben am 7.45 pm)

.....

Cadeirydd